



BOSNA I HERCEGOVINA
FEDERACIJA BOSNE I HERCEGOVINE
JZU DOM ZDRAVLJA
"IZUDIN MULABEĆIROVIĆ-IZO"

Adresa : Braće Pobrić 17, 74260 Tešanj
Tel/Fax: +387 32/650-677;650-303
web: www.dztesanj.ba
e-mail: domzdravlja@dztesanj.ba

Broj: 13-11-13-345-5/26
Dana: 30.03.2026. godine

Na osnovu člana 69. tačka b) i člana 70. Zakona o javnim nabavkama („Službeni glasnik BiH“, broj: 39/14; 59/22 i 50/24) u postupku javne nabavke roba "Lift (ambulanta Tešanjka)", direktor JZU DOM ZDRAVLJA "Izudin Mulabećirović-Izo" koji je nadležan za donošenje odluka donosi:

ODLUKU
o poništenju postupka javne nabavke
LIFT (ambulanta Tešanjka)

Član 1.

Poništava se postupak javne nabavke broj: 13-11-13-345/26 LIFT (ambulanta Tešanjka), objavljen na Portalu javnih nabavki dana 23.03.2026. godine.

Član 2.

Navedene nepravilnosti su takve prirode da bi njihova izmjena predstavljala suštinsku izmjenu predmeta nabavke, što nije dozvoljeno nakon objave postupka, te bi nastavak postupka doveo do nabavke koja ne odgovara stvarnim potrebama ugovornog organa.

Ugovorni organ će ponoviti postupak javne nabavke u skladu sa Zakonom o javnim nabavkama BiH.

Član 3.

Ova odluka objavit će se na Portalu javnih nabavki Bosne i Hercegovine, kao i na web stranici ugovornog organa u skladu sa zakonom.

Obrazloženje

Ugovorni organ pokrenuo je postupak javne nabavke "Lift (ambulanta Tešanjka)" Odlukom o pokretanju postupka broj: 13-11-13-345/26 od 12.02.2026. godine.

Postupak javne nabavke proveden je u skladu sa Zakonom o javnim nabavkama BiH i tenderskom dokumentacijom, a obavještenje o nabavci objavljeno je na Portalu javnih nabavki broj: 427-1-1-107-3-29/26 od 23.03.2026. godine, sažetak obavještenja o nabavci objavljen je u „Službenom glasniku BiH“.

Objavljen je Otvoreni postupak za dostavu ponuda. Procijenjena vrijednost javne nabavke iznosila je 70.000,00 KM bez PDV-a.

U ostavljenom roku za dostavu ponuda, potencijalni ponuđač je uredno preuzeo sa portala i izvršio uvid u tendersku dokumentaciju, te dana 26.03.2026. godine izvršio obilazak lokacije izvođenja radova, ukazao na značajne nepravilnosti i nesaglasnosti u tehničkim specifikacijama.

Nakon dodatnih konsultacija sa projektantom i drugim uključenim stranama, utvrđeno je da je došlo do nesklada između projektne dokumentacije i tehničkih specifikacija definisanih u tenderskoj dokumentaciji.

Naime, u fazi pripreme tehničkih specifikacija, potencijalni ponuđači su izvršili obilazak lokacije i na osnovu uvida u postojeće stanje dostavili dimenzije lifta, koje su poslužile kao osnova za izradu tehničke specifikacije. Međutim, tom prilikom nije izvršen uvid u cjelokupnu projektno-tehničku dokumentaciju, što je dovelo do toga da tehničke specifikacije nisu u potpunosti usklađene sa projektom i stvarnim potrebama ugovornog organa.

Slijedom navedenog, sve zaprimljene ponude u fazi istraživanja tržišta zasnovane su na istim, ali pogrešno definisanim dimenzijama, što potvrđuje da je došlo do sistemskog propusta.

Ugovorni organ je ocijenio da su navedene nepravilnosti takve prirode da bi njihovo otklanjanje zahtijevalo suštinsku izmjenu tehničkih specifikacija i samog predmeta nabavke, uključujući i potencijalnu izmjenu procijenjene vrijednosti nabavke. Takve izmjene nisu dozvoljene nakon objave postupka, jer bi narušile osnovne principe transparentnosti, jednakog tretmana i konkurencije među ponuđačima.

S obzirom na navedeno, nastavak postupka u postojećem obliku doveo bi do nabavke koja ne odgovara stvarnim potrebama ugovornog organa, te bi mogao uzrokovati dodatne tehničke, finansijske i pravne posljedice u fazi realizacije ugovora.

Iz navedenih razloga, ugovorni organ je odlučio da poništi predmetni postupak javne nabavke, te da, nakon usaglašavanja projektne dokumentacije i preciznog definisanja tehničkih zahtjeva, pokrene novi postupak u skladu sa zakonom.

Obzirom na navedeno, Ugovorni organ donosi ovu Odluku o poništenju postupka javne nabavke kako je navedeno u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u skladu sa članom 101. Zakona o javnim nabavkama.



Direktor:

dr. Mersiha Fejzić
specijalist pedijatar

Dostaviti:

1. Potencijalnim ponuđačima putem portala
2. Web stranica
3. Arhiva JN